

– An o shiniki! An o shiniki!

O her hlela ekh baro shiniki frolya. I romni:

– U-u-u!

Loshanela, kerela habe. Othe veche nali nay bokhale, but habe dikhna. Aki anela ekh kotor maro, tal o haswri garavela. Tal o dusheki garavela, masa, kola... Vsichko garavena. Togava veche o dat phendas:

– Ma garaven, mo chho! Habe isi butoro, kibor mangna!

Lela pes akana, thovela pi zhebate frolya. Zhala ko kafene. Manusha isi but ko kafene. Kay phenla lenge:

E, kafedzhi! Ayde akana saorenge po ekh kafes mandar!

Akava phenla:

– E, dav les bulya li o zhuvalo rom! Katar lilyas kaya love, ta sarinen te cherpinel amen?

Phenla:

– Ma dikhen ma! Saorenge te keren po ekh kafes!

Lela o kafedzhis thoola lenge po ekh kafes. Inkalela o lovyas. Nito genela len, nito nishto. Dela len ko kafedzhis. Kibor dela les, kibor ne. I okola manusha akana ande yakha dikhena pes.

– Kava bokhalo rom – phenna – zhi ich merla bokhatar, akana kibor but diyas o kafedzhis.

Ekh maswk, duy maswk... inkalela veche shukar. Dzhala ekh phirno:

– Ach te dikhav katar lela kava rom kaa frolya! Te dikhav – phenla – so kerela, so thovela, savo si lesko nomero, ta i meya te dikhav.

Astarel les ko kafes pala. Phenla:

– A be, katar? Tu sienas but bokhalo, but! Katar, so kerdyan?

Hm...! Tume mantsa nashti thoona tumen, be! Me tumen ka dav kibor frolya mangel.

Zhala o rom. Maystoras. Zhala lende. O her butoro frolya hendyas leske. Ama kuvka dikhela les. E, okotar-akatar veche, ushtino gelo peske. Zhala ko pazari, kinela swshtone heres.

Thool, pashlerel. O her si peske ando yawsri. Gelo o heresa ko krm chma. Phandyas o heres avri.

Lel o rom ekhe heres, thoola leske andi bul. Okole heres lela smeninel o heres. Lel okoles, mukla. Avela okova, inklela. Lela pe heres zhala peske khere. O hereske:

– Pwrtse dushw, pwrtse ...!

O her nishto. Ekh froli hendyas.

– E, dav te mamichka bulya! Tu izhohavyan ma! Lilyan me heres ama...! Dvoyno ka inkalav les te nakhestar!